

佛說無量清淨平等覺經卷第一

字

後漢月支國三藏支婁迦讖譯

佛在王舍國靈鷲山中與大弟子衆
千二百五十人菩薩七十二那由他
比丘尼五百人清信士七千人清信女
五百人欲天子八十萬色天子七十
萬遍淨天子六十那由他天一億皆
隨佛住神通變化弟子名曰知本際
賢者馬師賢者大力賢者安詳賢者
能讚賢者滿願賢者無塵賢者氏
聚迦葉賢者牛飼賢者上時迦葉賢
者治恒迦葉賢者金持迦葉賢者
舍利弗賢者大目犍連賢者大迦葉
賢者大迦旃延賢者多睡賢者大賣
師賢者大瘦短賢者盈辯了賢者不
爭有無賢者知宿命賢者了深定賢
者善來賢者離越賢者癡王賢者氏
戒聚賢者類觀賢者氏梵經賢者多
欲賢者主宮生賢者告來賢者氏黑
山賢者經刹利賢者博聞賢者其女
弟子名曰大欽姓比丘尼幻者比丘
尼蓮華色比丘尼生地動比丘尼生地

地

擔比丘尼生則侍者頭痛比丘尼安
豐頊比丘尼體柔軟比丘尼勇生行
比丘尼自淨比丘尼清信士名曰給
飯孤獨長者安念衆長者使臂長者
大英長者善容長者具足寶長者名
速聞長者香辟疫長者安吉長者施
寶盈長者欣讚長者胎施殺長者供
異道長者勇降怨長者實理長者實
結長者清信女名曰生優名曰黑哲
名曰信法名曰軟善名曰樂涼名曰
忍苦樂名曰樂受優婆夷如此之人
皆一種類消盡諸垢勇淨者也無數
之衆志共大會於時佛坐思念正道
面有九色光數千百變光甚大明賢
者阿難即從坐起更正衣服稽首佛
足長跪叉手前白佛言今佛面目光
色何以時時更變明乃今乎今佛面
目光精數百千色上下明徹好乃如
是我侍佛已來未曾見佛身體光耀
巍巍重明乃今我未曾見至具等正
覺光明威神有如今日明好不妄會
當念諸過去當來若他方佛國今現
在佛

佛告阿難有諸天來教汝諸佛教汝
令問我耶若自從智出乎阿難白佛
言亦無諸天無諸佛教我今問佛者
自從意出來白佛耳每佛坐起若行
出入有所至到所當作為所當教勅
我輒知佛意今佛獨當展轉相思故
使面色光明乃如此耳佛言善哉阿
難若所問者甚深快善多所度脫若
問佛者勝於供養一天下阿羅漢辟
支佛布施諸天人民及蜎飛蠕動之
類累劫百千萬億倍矣佛言阿難今
諸天帝三人民及蜎飛蠕動之類汝
皆度脫之佛言佛威神甚重難當若
所問者大深汝乃慈心於佛所哀諸
天人民若比丘比丘尼優婆塞優婆
夷大善當尔尔皆過度之佛語阿難
如世間有優曇鉢樹但有實無有華
天下有佛乃有華出耳世間有佛甚
難得值今我作佛出於天下若有大
德聰明善心豫知佛意若不妄在佛
邊侍佛也若今所問善聽諦聽佛語
阿難前已過去劫大衆多不可計無
邊幅不可議及尔時有過去佛名定

光如來復次有佛名曰曜光復次有
佛名曰月香復次有佛名安明山復
次有佛名日月面復次有佛名無塵
垢復次有佛名無沾汙復次有佛名
日如龍無所不伏復次有佛名曰日
光復次有佛名大音王復次有佛名
寶潔明復次有佛名曰金藏復次有
佛名焰寶光復次有佛名曰有舉地
復次有佛名曰琉璃光復次有佛名
日月光復次有佛名曰日音聲復次
有佛名光明華復次有佛名神通遊
持意如海復次有佛名嗟歎光復次
有佛名具足寶潔復次有佛名光開
化復次有佛名曰大香聞復次有佛
名曰降棄恚嫉復次有佛名妙琉璃
紫磨金焰復次有佛名心持道華元
能過者復次有佛名積聚華復次有
佛名水月光復次有佛名除眾冥復
次有佛名日光蓋復次有佛名溫和
如來復次有佛名曰法意復次有佛
名師子威象王步復次有佛名曰世
豪復次有佛名曰淨音復次有佛名
不可勝復次有佛名樓亮且羅在中

教授四十二劫皆已過去乃今劫時
作佛天上天下人中之雄經道法中
勇猛之將佛為諸天及世人民說經
講道莫能過者世饒王聞經道歡喜
開解便棄國位行作比丘名曇摩迦
留發菩薩意為人高才智慧勇猛无
能踰者與世絕異到世饒王佛所稽
首為礼長跪叉手稱讚佛言
無量之光曜威神无有極如是之焰明
无能與等者若以日摩尼火月水之形
其景不可及其色亦難比顏色難稱量
一切世之軍如是大音聲遍諸無數刹
或以三昧定精進及智慧威德无有草
殊勝亦希有深微諦善念從是得佛法
持覺若如海其限無有底瞋恚及愚癡
世尊之所無嗟歎佛世雄終始無厭足
佛如好花樹莫不受樂者處處人民見
一切皆歡喜令我作佛時願使如法王
過度於生死無不解脫者檀施調伏意
戒忍及精進如是三昧定智慧為上最
吾苦得佛者普速得此事一切諸恐懼
我為獲大安假令有百千億万那由佛
如是佛之數使如恒水沙計以沙等佛

一切皆供養不如求正道堅勇而不怯
譬如恒水中流沙之世界復倍不可計
無數之刹土光焰一切焰遍此諸數國
如是精進力威神難可量令我為世雄
國土最第一其眾殊妙好道場踰諸刹
國如泥洹界而无有等雙我當常慈哀
度脫一切人十方往來者其心悅清淨
已來到我國使樂喜安隱幸佛見信明
是我第一證發願在於彼精進力所欲
十方諸世尊皆有無尋常念此尊雄
知我心所行令我身止住於諸苦毒中
我行精進力忍之終不悔
法寶藏比丘說此唱讚世饒王如來
至真等正覺已發意欲求無上正真
道軍正覺我立是願如多陀竭佛所
有者願悉得之拔人勤苦生死根本
悉令如佛唯為說經所可施行令疾
得次我作佛時令無及者願佛為我
說諸佛國功德我當奉持當郡中住
取願作佛國亦如是佛語阿難其世
饒王佛知其高明所願快善即為法
寶藏菩薩說經言譬如大海水一人
升量之一劫不止尚可枯盡令海空

得得其底泥人至心求道何而當不可得乎求索精進不休止者會得心中所欲願耳

法寶藏菩薩聞世饒王佛說經如是則大歡喜踊躍其佛則為選擇二百一十億佛國中諸天人民善惡國土之好醜為選心中所願用與之世饒王佛說經竟法寶藏菩薩便宣其心則得天眼徹視悉自見二百一十億諸佛國中諸天人民之善惡國土之好醜則選心所欲願便結得是二十四願經則奉行之精進勇猛勤苦求索如是無央數劫所師事供養諸佛已過去佛亦无央數其法寶藏菩薩至其然後自致得作佛名無量清淨覺軍尊智慧勇猛光明無比今現在所居國甚快善在他方異佛國教授八方上下無央數諸天人民及螭飛蠕動之類莫不得過度解脫憂苦者无量清淨佛為菩薩時常奉行是二十四願珍寶愛重保持恭順精進禪行之與衆超絕卓然有異皆無有能及者佛言何等為二十四願者

一我作佛時今我國中無有地獄禽獸餓鬼蛆蟲蠕動之類得是願乃作佛不得從是願終不作佛

二我作佛時今我國中人民有來生我國者從我國去不復更地獄餓鬼禽獸蠕動有生其中者我不作佛

三我作佛時人民有來生我國者不一色類金色者我不作佛

四我作佛時人民有來生我國者天世人間人有異者我不作佛

五我作佛時人民有來生我國者皆自推所從來生本末所從來十億劫宿命不悉知念所從來生我不作佛

六我作佛時人民有來生我國者不悉徹視我不作佛

七我作佛時人民有來生我國者不悉知他人心中所念者我不作佛

八我作佛時我國中人民不悉飛者我不作佛

九我作佛時我國中人民不悉徹聽者我不作佛

十我作佛時我國中人民有愛欲者我不作佛

十一我作佛時我國中人民住止盡般泥洹不念者我不作佛

十二我作佛時我國諸弟子令八方上下各十億佛國中諸天人民蠕動之類作緣一覺大弟子皆禪一心共數我國中諸弟子住至百億劫無能數者不念者我不作佛

十三我作佛時令我光明勝於日月諸佛之明百億万倍炤無數天下窈冥之處皆常大明諸天人民蠕動之類見我光明莫不慈心作善來生我國不念者我不作佛

十四我作佛時令八方上下無數佛國諸天人民蠕動之類令得緣一覺果證弟子坐禪一心欲共計知我年壽幾千万億劫令無能知壽涯底者不念者我不作佛

十五我作佛時人民有來生我國者除我國中人民所願餘人民壽命元有能計者不念者我不作佛

十六我作佛時國中人民皆使莫有惡心不念者我不作佛

十七我作佛時令我名聞八方上下

華嚴經卷之六 第三十二

無數佛國諸佛各於弟子眾中歎我功德國土之善諸天人民踊動之類聞我名字皆悉踊躍來生我國不介者我不作佛

十八我作佛時諸佛國人民有作菩薩道者常念我淨潔心壽終時我與不可計比丘眾飛行迎之共在前立即還生我國作阿惟越致不介者我不作佛

十九我作佛時他方佛國人民前世為惡聞我名字及正為道欲來生我國壽終皆令不復更三惡道則生我國在心所願不介者我不作佛

二十我作佛時我國諸菩薩不一生等置是餘願功德不介者我不作佛二十一我作佛時我國諸菩薩不悉三十二相者我不作佛

二十二我作佛時我國諸菩薩欲共供養八方上下無數諸佛皆令飛行欲得万種自然之物則皆在前持用供養諸佛悉遍已後日未中則還我國不介者我不作佛

二十三我作佛時我國諸菩薩欲飯

華嚴經卷之六 第三十三

時則七寶鉢中生自然百味飲食在前食已鉢皆自然去不介者我不作佛二十四我作佛時我國諸菩薩說經行道不如佛者我不作佛佛告阿難無量清淨佛為菩薩時常奉行是二十四願分檀布施不犯道禁忍辱精進一心智慧志願常勇猛不毀經法求索不懈每獨棄國捐王絕去財色精明求願無所適莫積功累德元央數劫自致作佛悉皆得之不忘其功也

佛言無量清淨佛光明寂尊第一無比諸佛光明皆所不及也八方上下無央數諸佛中有佛項中光明照七

文中有佛項中光照一里有佛項中光明照五里有佛項中光明照二十里有佛項中光明照四十里

中有佛項中光明照八十里中有佛項中光明照百六十里有佛項中光明照三百二十里有佛項中光明照六百四十里有佛項中光明照千三百里有佛項中光明照二千六百里有佛項中光明照三千

二百里有佛項中光明照萬四百

華嚴經卷之六 第三十四

里中有佛項中光明照二萬一千里中有佛項中光明照四萬二千里中有佛項中光明照八萬四千里中有佛項中光明照十七万里有佛項中光明照三十五万里有佛項中光明照七十万里有佛項中光明照百五十万里有佛項中光明照三百万里有佛項中光明照六百万里有佛項中光明照一佛國中有佛項中光明照兩佛國中有佛項中光明照四佛國中有佛項中光明照八佛國中有佛項中光明照十五佛

國中有佛項中光明照三十佛國中有佛項中光明照六十佛國中有佛項中光明照百二十佛國中有佛項中光明照五百佛國中有佛項中光明照千佛國中有佛項中光明照二千佛國中有佛項中光明照四千佛國中有佛項中光明照八千佛國中有佛項中光明照萬六千佛國中有佛項中光明照三萬二千佛國中有佛項中光明照六萬四千佛國中有

佛項中光明照六萬四千佛國中有

佛項中光明照十三萬佛國中有佛
項中光明照二十六萬佛國中有佛
項中光明照五十萬佛國中有佛
項中光明照百萬佛國中有佛
明照二百萬佛國佛言八方上下無
央數諸佛其項中光明所照皆如是
也無量清淨佛國中光明照照千萬
佛國所以諸佛光明所照有遠近者
何本前世宿命求道為菩薩時所願
功德各自有大小至其然後作佛時
悉各自得之是故令光明轉不同等
諸佛威神同等耳自在意所欲作為
不豫計無量清淨佛光明所照軍大
諸佛光明皆所不能及也

佛稱譽無量清淨佛光明無量清淨
佛光明極善善中明好甚使無比絕
殊無極也無量清淨佛光明殊好勝
於日月之明百億萬倍也無量清淨
佛光明諸佛光明中之極明也無量
清淨佛光明諸佛光明中之極好也
無量清淨佛光明諸佛光明中之極
雄傑也無量清淨佛光明諸佛光明
中之使善也無量清淨佛光明諸佛

光明中之王也無量清淨佛光明諸
佛光明中之寂極尊也無量清淨佛
光明諸佛光明中之壽明無極無量
清淨佛光明照照諸无央數天下幽
冥之處皆常明諸有人民蛸飛蠕動
之類莫不見無量清淨佛光明見無
量清淨佛光明莫不慈心歡喜者世
間諸有姪甥甥慈慈慈慈見无量清淨
佛光明莫不作善者諸泥犁禽獸辟
荔考掠勤苦之虞見无量清淨佛光
明至皆休止不得復治死後莫不得
解脫憂苦者也無量清淨佛光明名
聞八方上下無窮无極無央數佛國
諸天人民莫不聞知聞知者莫不得
過度者佛言我不獨稱譽无量清淨
佛光明也八方上下無央數諸佛辟
支佛菩薩阿羅漢所稱譽皆如是佛
言其有人民善男子善女人聞無量
清淨佛聲稱譽光明如是朝暮常稱
譽其光明明好至心不斷絕在心所
欲願往生無量清淨佛國可得為諸
菩薩阿羅漢所尊敬智慧勇猛若其
然後作佛者亦當復為八方上下無

央數辟支佛菩薩阿羅漢所稱譽光
明亦當復如是則眾比丘僧諸菩薩
阿羅漢諸天帝王人民聞之皆歡喜
踊躍莫不讚歎者佛言我道无量清
淨佛光明殊好魏魏稱譽使善晝夜
一切尚未竟也我但為若曹小說之耳
佛說無量清淨為菩薩求索得是二
十四願時阿闍世王太子與五百大
長者迦羅越子各持一金華蓋前上
佛已志却坐一面聽經阿闍世王大
子及五百長者子聞無量清淨佛二
十四願皆大歡喜踊躍心中俱願言
令我等後作佛時皆如无量清淨佛
佛則知之告諸比丘僧是阿闍世王
太子及五百長者子却後無央數劫
皆當作佛如無量清淨佛佛言是呵
闍世王太子五百長者子作菩薩道
已來無央數劫皆各供養四百億佛
三今復來供養我是阿闍世王太子
及五百人等皆前前世迦葉佛時為我
作弟子今皆復會是共相值也則諸
比丘僧聞佛言皆心踊躍莫不歡喜者
佛告阿難無量清淨佛作佛已來九

華嚴經卷第 第十一

十八劫所居國名須摩提正在西方去是閻浮利地界千億萬須弥山佛國其國地皆自然七寶其一寶者名曰銀二寶者名黃金三寶者水精四寶者琉璃五寶者珊瑚六寶者虎珀七寶者車渠是七寶皆以自共為地曠蕩甚大無極皆自相參轉相入中各自煥煌赤光極明自然軟甚姝好無比如其七寶地諸八方上下眾寶中精都自然之合會共化生耳其實比如第六天上之七寶也其國中無有須弥山其日月星辰第一四天王第二忉利天皆在虛空中其國土無有大海水亦無小海水無江河恒水也亦無山林溪谷無有幽冥之虞其國七寶地皆平正無有泥犁禽獸餓鬼蜎飛蠕動之類也無阿須倫諸龍鬼神也終無有大雨時亦無春夏秋冬也亦無有大寒亦不大熱常和調中適甚使善無比皆有種種自然之物百味飲食意欲有所得則自然在前意不用者則自然化去比如第六天上自然之物恣若自然則皆隨意

華嚴經卷第 第十一

其國中悉諸菩薩阿羅漢無有婦女壽命極壽壽亦无央數劫女人往生者則化生皆作男子但有菩薩阿羅漢無央數悉皆洞視徹聽悉遙相見遙相瞻望遙相聞語聲悉皆求道善者同一種類無有異人也其諸菩薩阿羅漢面目皆端正清淨絕好悉同一色無有偏醜惡者諸菩薩阿羅漢皆才猛慧慧其所衣服皆衣自然之衣都心中所念常念道德其所欲語言便皆豫相知意其所念言道常說正事其國中諸菩薩阿羅漢自共相與語言輒說經道終不說他餘之惡其語言音響如三目鍾聲皆相敬愛無有相憎者皆自以長幼上下先後言之都共往會以義而禮轉相敬事如兄如弟以仁履義不妄動作言語而誠轉相教令不相違戾轉相承受皆心潔淨無所貪慕終无有姪妹瞋恚之心愚癡之態也無有邪心念婦女意也志智慧勇猛和心歡樂好喜經道皆自知其前世所從來生億萬劫世時宿命善惡存亡現在却知无

華嚴經卷第 第十一

極無量清淨佛所可教授講堂精舍皆復自然七寶金銀水精琉璃白玉虎珀車渠自共轉相成也甚姝明好絕殊無比亦无有作者亦不知所從來亦無有持夾者亦无所從去無量清淨佛所願德重其人作善故論經語義說經行道講會其中自然化生耳其講堂精舍皆復有七寶樓觀欄楯復以金銀水精琉璃白玉虎珀車渠為瓔珞復以白珠明月珠摩尼珠為交絡覆蓋其上皆自作五音聲音聲甚姝無比元量清淨佛國諸菩薩阿羅漢所居舍宅皆復以七寶金銀水精琉璃珊瑚虎珀車渠馬瑙化生轉共相成也其舍宅皆悉各有七寶樓觀欄楯復以金銀水精琉璃白玉虎珀車渠為瓔珞復以白珠明月珠摩尼珠為交絡覆蓋其上皆各復自作五音聲無量清淨佛講堂精舍及諸菩薩阿羅漢所居七寶舍宅中外內處處皆復自然流泉水浴池其浴池者皆復以自然七寶七寶俱生金銀水精琉璃珊瑚虎珀車渠轉共相

成也水底沙皆復以七寶金銀水精琉璃珊瑚琥珀車渠也有純白銀池者其底沙皆黃金也中有純黃金池者其水底沙皆白銀也中有純水精池者其水底沙皆琉璃也中有純琉璃池者其水底沙皆水精也中有純珊瑚池者其水底沙皆虎珀也中有純虎珀池者其水底沙皆珊瑚也中有純車渠池者其水底沙皆馬瑙也中有純馬瑙池者其水底沙皆車渠也中有純白玉池者其水底沙者皆紫磨金也中有純紫磨金池者其水底沙者皆白玉也中復有二寶共作一池者其水底沙者皆金銀也中復有三寶共作一池者其水底沙者皆金銀水精也中復有四寶共作一池者其水底沙金銀水精琉璃也中復有五寶共作一池者其水底沙皆金銀水精琉璃珊瑚虎珀也中復有六寶共作一池者其水底沙皆金銀水精琉璃珊瑚虎珀車渠也中復有七寶共作一池者其水底沙皆金銀水精琉璃珊瑚虎珀車渠馬瑙也其

浴池中有長四十里者中有池長八十里者中有池長百六十里者中有池長三百二十里者中有池長六百四十里者中有池長千二百八十里者中有浴池長二千五百六十里者中有浴池長三千一百二十里者中有浴池長萬二千四百四十里者中有浴池長二萬四千八百四十里者其縱廣各適等是浴池者皆諸菩薩阿羅漢常所可浴池佛言無量清淨佛浴池長四萬八千里廣亦四萬八千里其浴池皆七寶轉自共相成其池水底沙皆復以七寶白珠明月珠摩尼珠也無量清淨佛及諸菩薩阿羅漢浴池中水皆清淨香潔中皆有香華悉自然生百種華種種異色異香華皆千葉諸華三香無比香不可言也其華香者亦復非世間之華復勝天上之華是華香者八方上下眾華香中精自然生耳池中水流行轉相灌注池中水流亦不返亦不歇皆復自作五音聲佛言八方上下無央數佛國諸天人民及諸飛鳥動之類諸王共立

清淨佛國者都皆於是七寶水池蓮華中化生便則自然長大亦無乳養之者皆食自然之飲食其身體者亦非世間人之身體也亦非天上人之身體也皆積眾善之德受自然虛無之身體甚姝好无比佛語阿難如世間貧窮乞丐人令在帝王邊住者其人面目形貌何等類乎寧類帝王面目形貌顏色不阿難言假令使子在帝王邊住者其面目形狀甚醜惡不好不如帝王面目形類姝好百千億萬倍也所以者何見乞人貧窮困極飲食未曾有美食時也既惡食不能得飽食食裁支命骨節相撐拄无所用自給常乏無有儲飢餓寒凍怔忡愁苦但坐其前世宿命為人時愚癡無智富益慳有財不肯慈哀仁賢為善博愛施與但欲唐得貪惜飲食獨食嗜美不信施貸後得償報也復不信作善後世得其福蒙寵項俱益作眾惡如是壽終財物盡索素元恩德無所恃怙入惡道中坐之適苦然後得出解脫今生為人作於下賤貧家

平寺覺經第一卷 第三十卷 終

作子強像人形狀貌甚醜衣被弊壞
單空獨立不蔽形體乞乞生沽耳飢
寒困苦面目羸劣不類人色坐其前
世身之所作受其殃罰示衆見之莫
誰哀者棄捐市道暴露瘠瘦黑醜惡
極不及人耳所以帝王人中獨尊
好者何皆其前世宿命為人時作善信
愛經道布施恩德博愛順義慈仁喜
與不貪飲食與衆共之無所遺惜都
無違諍得其福德壽終德隨不更惡
道今生為人得生王家自然尊貴獨
王典主攬制人民為人雄傑面目潔
白和顏好色身體端正衆共敬事美
食好衣隨心恣意在樂所欲自然在
前都無違諍於人中姝好無憂快樂
面色光澤故乃尔耳

佛說無量清淨平等覺經卷第一

戊戌歲高麗國大藏都監奉

勅彫造

大月一日... 佛說無量清淨平等覺經卷第一... 戊戌歲高麗國大藏都監奉勅彫造

佛說無量清淨平等覺經卷第一... 戊戌歲高麗國大藏都監奉勅彫造

佛說無量清淨平等覺經卷第二

淨平等覺經卷第二

佛告阿難若言是也如帝王雖於人中好無比當今在遮迦越王邊住者其面目形貌甚醜惡其狀不好比如乞人在帝王邊住耳帝王面醜尚復不如遮迦越王面色殊好百千億万倍也如遮迦越王於天下絕好無比當今在第二忉利天帝釋邊住者其面甚醜不好尚復不如天帝釋面貌端正殊好百千億万倍也如天帝釋今在第六天王邊住者其面貌甚醜不好尚復不如第六天王面貌端正殊好百千億倍也如第六天王今在無量清淨佛國中諸菩薩阿羅漢邊住者其面甚醜尚復不如無量清淨佛國中諸菩薩阿羅漢面貌端正殊好百千億万倍也佛言无量清淨佛諸菩薩可羅漢面貌悉皆端正絕好無比次於泥洹之道也佛告阿難无量清淨佛及諸菩薩阿羅漢講堂精舍所居處舍宅中外浴池上皆有七

二事實錄第一卷 第二張 午

實樹中有純銀樹中有純金樹中有
純水精樹中有純琉璃樹中有純白
玉樹中有純珊瑚樹中有純琥珀樹
中有純車渠樹種種各自異行中復
有兩寶共作一樹者銀樹銀根金並
銀枝金莖銀華金寶金樹者金根銀
並金枝銀莖金華銀寶是兩寶樹轉
共相成各自異行中復有三寶共作
一樹者銀樹銀根金並水精枝銀莖
金華水精寶金樹者金根銀並水精
枝金莖銀華水精寶水精樹者水精
根銀並金枝水精莖銀華金寶是三
寶樹轉共相成各自異行中復有四
寶共作一樹者銀樹銀根金並水精
枝琉璃莖銀華金寶金樹者金根銀
並水精枝琉璃莖金華銀寶水精樹
者水精根琉璃並銀枝金莖水精華
琉璃寶琉璃樹者琉璃根水精並金
枝銀莖琉璃華水精寶是四寶樹轉
共相成各自異行中復有五寶共作
一樹者銀樹銀根金並水精枝琉璃
莖琉璃華金寶金樹者金根銀並水
精枝琉璃莖琉璃華銀寶水精樹者

早華冥經集卷三 第三改 字

水精根琉璃莖珊瑚枝銀篆金華疏
滴實琉璃樹者琉璃根珊瑚莖水精
枝金篆銀華珊瑚實珊瑚樹者珊瑚
根琉璃莖水精枝金篆銀華琉璃實
是五寶樹轉共相成各自異行中復
有六寶共作一樹者銀樹銀根金莖
水精枝琉璃篆珊瑚華虎珀實金樹
者金根銀莖水精枝琉璃篆虎珀華
珊瑚實水精樹者水精根琉璃莖珊
瑚枝銀篆虎珀華金實琉璃樹者琉
璃根珊瑚莖虎珀枝水精篆金華銀
實珊瑚樹者珊瑚根虎珀莖銀枝金
篆水精華琉璃實虎珀樹者虎珀根
珊瑚莖金枝銀篆琉璃華水精實是
六寶樹轉共相成各自異行中復有
七寶共作一樹者銀樹銀根金莖水
精節琉璃枝珊瑚篆虎珀華車渠寶
金樹者金根水精莖琉璃節珊瑚枝
虎珀篆車渠華銀實水精樹者水精
根琉璃莖珊瑚節虎珀枝車渠篆白
玉華金實琉璃樹者琉璃根珊瑚莖
虎珀節白玉枝車渠篆水精華銀實
珊瑚樹者珊瑚根虎珀莖白玉節銀

平字梵經家 第四卷 中

技明月珠華金華水精寶虎珀樹者
虎珀根白玉莖珊瑚節琉璃枝車渠
華水精華金寶白玉樹者白玉根車
渠莖琉璃節珊瑚枝虎珀華金華摩
尼珠寶是七寶樹轉共相成種種各
自異行行行自相值莖莖自相准枝
枝自相值華華自相向華華自相望
極自軟好實實自相當佛言无量清淨
佛講堂精舍中外內七寶浴池繞邊
上諸七寶樹及諸菩薩阿羅漢七寶
舍宅中外七寶浴池繞池邊七寶樹
數千百重行皆各各如是行行自作
五音聲甚好無比佛語阿難如世間
帝王萬種伎樂音聲不如遮迦越王
諸伎樂一音聲好百千億萬倍也如
遮迦越王萬種伎樂音聲尚復不如
第二忉利天上諸伎樂一音聲好百
千億萬倍也如忉利天上萬種伎樂
之聲尚復不如第六天上諸伎樂一
音聲好百千億萬倍也如第六天上
萬種音樂之聲尚復不如無量清淨
佛國中七寶樹一音聲好百千億萬
倍也無量清淨佛國亦有萬種自然

平字梵經家 第五卷 中

之伎樂無極也无量清淨佛及諸菩
薩阿羅漢欲浴時便各自入其七寶
池中浴諸菩薩阿羅漢意欲令水沒
足水則沒足意欲令水至膝水則至
膝意欲令水至胛水則至胛意欲令
水至腋水則至腋意欲令水至頸水
則至頸意欲令水自灌身上水則灌
身上意欲令水轉復還如故水則轉
還復如故若隨意所欲好意佛言
無量清淨佛及諸菩薩阿羅漢皆浴
已悉自於一蓮華上坐則四方自然
亂風起其亂風者亦非世間之風也
亦復非天上之風也是亂風者都為
八方上下衆風中之自然都相合會
共化生耳其亂風亦不大寒亦不大
溫常和調中適其涼好無比亂風徐
起亦不遲亦不疾適得中宜吹國中
七寶樹七寶樹皆復自作五音聲亂
風吹華悉覆蓋其國中華皆自散元
量清淨佛及諸菩薩阿羅漢上華適
墮地華皆厚四寸極自軟好無比華
小萎則自然亂風吹萎華悉自然去
則復四方復自然亂風起吹七寶樹

平字梵經家 第六卷 中

七寶樹皆復自作五音聲亂風吹華
悉復自然散無量清淨佛及諸菩薩
阿羅漢上華墮地則自然亂風復吹
萎華悉自然去則復四方自然亂風
起吹七寶樹華如是者四反諸菩薩
阿羅漢中有但欲聞經者中有但欲
聞音樂聲者中有但欲聞華香者中
有不欲聞經者中有不欲聞五音者
中有不欲聞華香者其所欲聞者輒
則獨聞之其所不欲聞者了獨不聞
也則皆自然隨意在所欲意樂不違
其心中所欲願也無量清淨佛及諸
菩薩阿羅漢皆浴訖已各自去其諸
菩薩阿羅漢各自行道中有在地講
經者中有在地誦經者中有在地說
經者中有在地口受經者中有在地
聽經者中有在地念經者中有在地
思道者中有在地坐禪一心者中有
在地經行者中有在虛空中講經者
中有在虛空中誦經者中有在虛空
中說經者中有在虛空中口受經者
中有在虛空中聽經者中有在虛空
中念經者中有在虛空中思念道者

中有在虛空中坐禪一心者中有在虛空中經行者中有未得須陀洹道者則得須陀洹道中有未得斯陀含道者則得斯陀含道中有未得阿那含道者則得阿那含道中有未得阿羅漢道者則得阿羅漢道中有未得阿惟越致菩薩者則得阿惟越致菩薩菩薩阿羅漢各自說經行道皆悉得道莫不歡喜踊躍者諸菩薩中有意欲供養八方上下無央數諸佛即皆俱前為无量清淨佛作禮却長跪叉手白佛發行欲供養八方上下諸無央數佛无量清淨佛則然可之則使其行供養諸菩薩等皆大歡喜數千億萬人無央數不可復計皆智慧勇猛各自飄飛等輩相追俱共散飛則行即到八方上下无央數諸佛所皆前為佛作禮便則供養諸佛其諸菩薩意欲得万種自然之物在前則自然百雜色華百種自然雜繒幡綵百種物自然劫波青衣自然七寶自然燈火自然万種伎樂悉皆在前其華香万種自然之物者亦非世間之物

也亦復非天上之物也是万種之物都為八方上下衆物自然共合會化生耳意欲得者則自然化生在前意不用者便則自化去諸菩薩便共持供養諸佛及諸菩薩阿羅漢上邊傍前後迴繞周而自在意所欲得則轉皆至當余之時快樂不可言也諸菩薩意各欲得四十里華則自然四十里華在前諸菩薩皆於虛空中共持華則散諸佛及諸菩薩阿羅漢上華皆在虛空中下向華甚香好華過小萎便自墮地則自然亂風吹萎華悉自然去諸菩薩意各復欲得八十里華則自然八十里華在前諸菩薩皆復於虛空中共持華散諸菩薩阿羅漢上華皆復在虛空中下向華小萎便自墮地則自然亂風吹萎華去諸菩薩意各復欲得百六十里華則自然百六十里華在前諸菩薩皆復於虛空中共持華則散諸佛及諸菩薩阿羅漢上華皆復於虛空中下向華適小萎便自墮地則自然亂風吹華悉自然去諸菩薩意各復欲得三百

二十里華則自然三百二十里華在前諸菩薩皆復於虛空中共持華則散諸佛及諸菩薩阿羅漢上華皆復在虛空中下向華適小萎便自墮地則自然亂風吹華悉自然去諸菩薩意各復欲得六百四十里華則自然六百四十里華在前諸菩薩皆復於虛空中共持華散諸佛及諸菩薩阿羅漢上華皆復在虛空中下向華適小萎便自墮地則自然亂風吹華悉自然去諸菩薩意各復欲得千二百八十里華則自然千二百八十里華在前諸菩薩皆復於虛空中共持華散諸佛及諸菩薩阿羅漢上華皆復在虛空中下向華適小萎便自墮地則自然亂風吹華悉自然去諸菩薩意各復欲得二千五百六十里華則自然二千五百六十里華在前諸菩薩皆復於虛空中共持華散諸佛及諸菩薩阿羅漢上華皆復在虛空中下向華適小萎便自墮地則自然亂風吹華悉自然去諸菩薩意各復欲得五千一百二十里華則自然五千一百

千華覺經第二卷 第十段 字

二十里華在前諸菩薩皆復於虛空中共持華則散諸佛及諸菩薩阿羅漢上華皆復在虛空中下向華適小萎便自墮地則自然亂風吹華悉自然去諸菩薩意各復欲得万二百四十里華則自然万二百四十里華在前諸菩薩皆復於虛空中共持華散諸佛及諸菩薩阿羅漢上華皆復在虛空中下向華適小萎便自墮地則自然亂風吹華則自然去諸菩薩意各復欲得二万四百八十里華則自然二万四百八十里華在前諸菩薩皆復於虛空中持華散諸佛及諸菩薩阿羅漢上華皆復在虛空中下向華適小萎便自墮地自然亂風吹華悉自然去諸菩薩意各復欲得五万里華則自然五万里華在前諸菩薩皆復於虛空中共持華散諸佛及諸菩薩阿羅漢上華皆在虛空中下向華適小萎便自墮地則自然亂風吹華悉自然去諸菩薩意各復欲得十万里華則自然十万里華在前諸菩薩皆復於虛空中共持華則散諸佛

千華覺經第二卷 第十一段 字

及諸菩薩阿羅漢上華皆在虛空中下向華適小萎便自墮地則自然亂風吹華悉自然去諸菩薩意各復欲得二十万里華則自然二十万里華在前諸菩薩皆復於虛空中共持華則散諸佛及諸菩薩阿羅漢上華皆在虛空中下向華適小萎便自墮地則自然亂風吹華悉自然去諸菩薩意各復欲得四十万里華則自然四十万里華在前諸菩薩皆復於虛空中共持華則散諸佛及諸菩薩阿羅漢上華皆在虛空中下向華適小萎便自墮地則自然亂風吹華悉自然去諸菩薩意各復欲得八万里華則自然八万里華在前諸菩薩皆復於虛空中共持華則散諸佛及諸菩薩阿羅漢上華皆在虛空中下向華適小萎便自墮地則自然亂風吹華悉自然去諸菩薩意各復欲得百六十万里華則自然百六十万里華在前諸菩薩皆復於虛空中共持華則散諸佛及諸菩薩阿羅漢上華皆在虛空中下向華適小萎便自墮地

千華覺經第二卷 第十二段 字

則自然亂風吹華悉自然去諸菩薩意各復欲得三百万里華則自然三百万里華在前諸菩薩皆復於虛空中共持華則散諸佛及諸菩薩阿羅漢上華皆在虛空中下向華適小萎便自墮地則自然亂風吹華悉自然去諸菩薩意各復欲得四百万里華則自然四百万里華在前諸菩薩皆復於虛空中共持華則散諸佛及諸菩薩阿羅漢上華都自然合為一華華正團圓周帀各適等華轉倍前極自軟好轉勝於前華好數百千色色色異香甚香不可言諸菩薩皆大歡喜俱於虛空中大共作衆音自然伎樂樂佛及諸菩薩阿羅漢當是之時快樂不可言諸菩薩皆悉却坐聽經聽經竟則悉皆誦誦通利重知經道益明智慧其諸華香小萎便自墮地則自然亂風吹華悉皆自然去則諸佛國中從第一四天王上至三十六天上諸菩薩阿羅漢天人皆復於虛空中大共作衆音伎樂諸天人前來者轉去避後來音

後來者轉復供養如前更相開避諸天人歡喜聽經皆大共作音樂當是之時快樂無極諸菩薩供養聽經訖竟便皆起為諸佛作禮而去則復飛到八方上下无央數諸佛所則復供養聽經皆各如前時悉遍以後日未中時諸菩薩則皆飛而去則還其國悉前為無量清淨佛作禮皆却坐一面聽經聽經竟皆大歡喜佛言无量清淨佛及諸菩薩阿羅漢欲食時則自然七寶机自然却波育自然剎斲以為座無量清淨佛及諸菩薩阿羅漢皆坐已前悉有自然七寶鉢中皆有自然百味飲食飲者亦不類世間飲食之味也亦復非天上飲食之味也此百味飲食者都為八方上下衆自然之飲食中精味甚香美元有比都自然化生耳其飲食自在所欲得味甜酢鉢自在所欲得諸菩薩阿羅漢中有欲得銀鉢者中有欲得金鉢者中有欲得水精鉢者中有欲得琉璃鉢者中有欲得珊瑚鉢者中有欲得虎珀鉢者中有欲得白玉鉢者

中有欲得車乘鉢者中有欲得瑪瑙鉢者中有欲得明月珠鉢者中有欲得摩尼珠鉢者中有欲得紫磨金鉢者皆滿其中百味飲食自恣若隨意則至亦無所從來亦無有供作者自然化生耳諸菩薩阿羅漢皆食亦不多亦不少患自然平等諸菩薩阿羅漢食亦不言美惡亦不以美故喜食已諸飯具鉢机坐皆自然化去欲食時乃復化生耳諸菩薩阿羅漢皆心清淨不慕飯食但用作氣力可皆自然消散盡化去

佛告阿難阿彌陀佛為諸菩薩阿羅漢說法時都悉大會講堂上其國諸菩薩阿羅漢及諸天人無央數都不可復計皆飛到無量清淨佛所悉前為无量清淨佛作禮却坐聽經无量清淨佛便則為諸比丘僧諸菩薩阿羅漢諸天人廣說道智大經皆悉聞知經道莫不歡喜踊躍心開解者則四方自然亂風起吹國中七寶樹七寶樹皆復作五音聲亂風吹七寶華華覆蓋其國皆在虛空中下向

華甚香極自軟好香遍國中華皆自散無量清淨佛及諸菩薩阿羅漢上華墮地皆厚四寸華適小萎則自然亂風吹萎華自然去則四方俱復自然亂風起吹七寶樹七寶樹皆復自作五音聲亂風吹七寶樹華復如前皆自然散无量清淨佛及諸菩薩阿羅漢上華墮地復厚四寸華小萎則自然亂風吹萎華自然去亂風吹華如是四反則第一四天王諸天人第二忉利天上諸天人第三天上諸天人第四天上諸天人第五天上諸天人第六天上諸天人第七梵天上諸天人上至第十六天上諸天人上至三十六天上諸天人皆持天上万種自然之物百種雜色華百種雜香百種雜綵百種却波育疊衣万種伎樂轉倍好相勝各持來下為无量清淨佛作禮則供養无量清淨佛及諸菩薩阿羅漢諸天人皆復大作伎樂樂無量清淨佛及諸菩薩阿羅漢當是之時快樂不可言諸天人前來者轉去避後來者後來者轉復供

華嚴經第二卷 第十六 字

養如前更相開避則東方无央數佛國不可復計如恒水邊流沙一沙一佛其數如是諸佛各遣諸菩薩无央數不可復計皆飛到無量清淨佛所則為无量清淨佛作礼以頭面著佛足悉却坐一面聽經聽經竟諸菩薩皆大歡喜悉起為無量清淨佛作礼而去則北方无央數諸佛國復如恒水邊流沙一沙一佛其數如是諸佛各復遣諸菩薩无央數都不可復計皆飛到无量清淨佛所則前為无量清淨佛作礼以頭面著佛足悉却坐一面聽經聽經竟諸菩薩皆大歡喜起為無量清淨佛作礼而去則北方无央數諸佛國復如恒水邊流沙一沙一佛其數如是諸佛各復遣諸菩薩无央數都不可復計皆飛到无量清淨佛所則前為无量清淨佛作礼以頭面著佛足悉却坐一面聽經聽經竟諸菩薩皆大歡喜起為無量清淨佛作礼而去則南方无央數諸佛國復如恒水邊流沙一沙一佛其數如是諸佛各復遣諸菩薩无央數都不可

華嚴經第二卷 第十七 字

可復計皆飛到無量清淨佛所則前為無量清淨佛作礼而去則復四角无央數諸佛國各復如恒水邊流沙一沙一佛其數各如是諸佛各復遣諸菩薩无央數都不可復計皆飛到无量清淨佛所前為無量清淨佛作礼以頭面著佛足悉却坐一面聽經聽經竟諸菩薩皆大歡喜起為无量清淨佛作礼而去佛言八方上下諸無央數佛更遣諸菩薩飛到无量清淨佛所聽經供養轉更相開避如是則下面諸八方无央數佛國一方者各復如恒水邊流沙一沙一佛其數復如是諸佛各遣諸菩薩无央數都不可復計皆飛到無量清淨佛所前為阿彌陀佛作礼以頭面著佛足悉却坐聽經聽經竟諸菩薩皆大歡喜起為無量清淨佛作礼而去上方諸佛更遣諸菩薩飛到无量清淨佛所聽經供養相開避前來者則去還後來者後來者供養亦復如是終無休絕極時

東方佛國如是

華嚴經第二卷 第十八 字

各各遣諸菩薩西南北面皆介是諸佛遣諸菩薩此十方菩薩飛天拘毘種種具諸菩薩皆大集遶三匝叉手住皆持華散佛上於佛前住自說所散華止虛空其柄妙嚴飾好諸菩薩都往至如是人間佛名吾等類得是德計本國若如夢見菩薩遶世尊國覺眾甚清淨時無量世尊笑此數光從口出則迴光還遶佛色霍然不復現虛樓亘從坐起白佛言何緣笑

第八卷 字

猶首礼无量覺如是恒沙數土猶首礼無量覺皆以末減諸華往供養无量覺猶首礼無際光歎國尊无量覺心清淨稱無量願使我刹如此合成盖百由旬悉遍覆眾會上諸尊刹難得值快安隱得大利諸此刹獲所好無數劫淨此土威神狂壽无極無數劫難思議三十六億那由他諸元數刹三匝已從頂入天亦人皆歡喜正衣服猶首問唯世尊說是意

願授我本空剎
聞是諸音聲者
梵之音及雷霆
佛授盧樓亘丈
衆世界諸菩薩
聞歡喜廣奉行
已到此嚴淨國
眼洞視耳微聽
無量覺授其丈
一切人聞說法
吾所願皆具足
皆悉來到此間
若菩薩更興願
亦念度一切人
速疾超便可到
至無量光明土
其奉事億萬佛
恭敬已歡喜去
非有是功德人
唯有清淨戒者
曾更見世尊雄
謙恭敬聞奉行
惡驕慢弊懈怠
慈護成百福相
一切人踊躍喜
八種音深重聲
今吾說仁諦聽
到須阿提禮佛
疾得至得淨處
便速得神足俱
亦速得知宿命
我前世有本願
皆疾來生我國
從衆國來生者
一生得不退轉
欲使國如我刹
令各願達十方
安樂國之世界
供養於無數佛
飛變化遍諸國
便還於須摩提
不得聞是經名
乃逮聞此正法
則得信於是事
便踊躍大歡喜
難以信於此法

宿世時見佛者
譬從生盲冥者
聲聞悲感大乘
天中天相知意
辟支佛亦如是
使一切悉作佛
復過此億万劫
講議說無數劫
佛之慧無邊幅
奉我教乃信是
佛所說皆能受
人之命希可得
有信慧不可致
聞是法而不忘
則我之善親厚
設令滿世界火
會當作世尊將
佛語阿難無量清淨佛為諸菩薩阿
羅漢說經竟諸天人民中有未得須
陀洹道者則得須陀洹道中有未得
斯陀含道者則得斯陀含道中有未
得阿那含道者則得阿那含道中有
未得阿羅漢道者則得阿羅漢道中
樂聽聞世尊教
欲得行開導人
何況於俗凡諸
聲聞不了佛行
獨正覺乃知此
其淨慧知本空
計佛智無能及
盡壽命猶不知
如是行清淨致
唯此人能解了
是則為第一證
佛在世甚難值
若聞見精進求
便見敬得大慶
以是故發道意
過此中得聞法
度一切生老死
佛語阿難無量清淨佛為諸菩薩阿
羅漢說經竟諸天人民中有未得須
陀洹道者則得須陀洹道中有未得
斯陀含道者則得斯陀含道中有未
得阿那含道者則得阿那含道中有
未得阿羅漢道者則得阿羅漢道中

有未得阿惟越致菩薩者則得阿惟
越致菩薩阿彌陀佛輒隨其本宿命
求道時心所喜願大小隨意為說經
輒授之令其疾開解得道皆悉明慧
各自好喜所願經道莫不喜樂誦習
者則各自誦誦經道通利无歇無極
也諸菩薩阿羅漢中有誦經者其音
如雷聲中有說經者如疾風暴雨時
諸菩薩阿羅漢說經行道皆各如是
盡一切竟終無懈倦時也皆悉智慧
勇猛身體皆輕便終無有痛痒極時
行步坐起皆悉才健勇猛如師子中
王在深林中當有所趣向時無有敢
當者無量清淨佛國諸菩薩阿羅漢
說經行道皆勇猛無有疑難之意則
在心所作為不豫計百千億万倍是
猛師子中王也如是猛師子中王百
千億万倍尚復不如我第二弟子摩訶
目捷連勇猛百千億万倍也无量清
淨國諸菩薩阿羅漢皆勝我第二弟
子摩訶目捷連也佛言如摩訶目捷連
勇猛於諸佛國諸阿羅漢中軍為無比
如摩訶目捷連飛行進止智慧勇猛洞

視徹聽知八方上下去來現在之事
平等覺經卷第一 第三十 字
百千億萬倍都合為一智慧勇猛當
在無量清淨佛國諸阿羅漢中者其
德尚復不如無量清淨佛國一阿羅
漢智慧勇猛者千億萬倍也是時坐
中有一菩薩字阿逸菩薩阿逸菩薩
則起前長跪叉手問佛言阿彌陀佛
國中諸阿羅漢寧頗有般泥洹去者
不願欲聞之佛告阿逸菩薩若欲知
者如是四天下星若見之不阿逸菩
薩言唯然皆見之佛言而我第二弟
子摩訶目捷連飛行四天下下一夜
遍數星知有幾枚也如是四天下星
甚眾多不可得計尚為百千億萬倍
是四天下星也佛言如天下大海水
減去一滴水寧能令海水為減不阿
逸菩薩言減大海水百千億萬斗石
水尚復不能令海減少也佛言阿彌
陀佛國諸阿羅漢中雖有般泥洹去
者寧是大海減一小水耳不能令諸
在阿羅漢為減知少也佛言減大海
水一溪水寧能減海水不阿逸菩薩
言減大海百千萬億溪水尚復不能

減海水令知減少也佛言阿彌陀佛
平等覺經卷第一 第三十 字
國諸阿羅漢中有般泥洹去者如是
大海減一溪水耳不能減諸在阿羅
漢為減知少也佛言而大海減一恒
水寧能減海水不阿逸菩薩言減大
海水百千萬億恒水尚復不能減大
海水令減知少也佛言阿彌陀佛國
諸阿羅漢般泥洹去者无央數其在
者新得阿羅漢者亦无央數都不為
增減也佛言令天下諸水都流行入
大海中寧能令海水為增多不阿逸
菩薩言不能令海水增多也所以者
何是大海為天下諸水眾善中王也
故能令耳佛言無量清淨佛國亦如
是慈令八方上下无央數佛國无央
數諸天人民諸飛騰動之類都往生
無量清淨佛國者其輩甚大眾多不
可復計無量清淨佛國諸菩薩阿羅
漢眾比丘僧都如常一法不異為增
多也所以者何無量清淨佛國為眾
快八方上下无央數諸佛國中眾菩
薩中王也無量清淨佛國為諸无央
數佛國中之雄國也無量清淨佛國

為諸无央數佛國中之珍寶也無量
平等覺經卷第一 第三十 字
清淨佛國為諸无央數佛國中之極
長久也無量清淨佛國為諸无央數
佛國之眾傑也無量清淨佛國為諸无
央數佛國中之廣大也無量清淨佛國
為諸无央數佛國中都自然之无為也
無量清淨佛國為眾快明好甚樂之
无極也無量清淨佛國獨勝者何本
為菩薩求道時所願勇猛精進不懈
累德所致故乃尔耳阿逸菩薩則大
歡喜長跪叉手言佛說无量清淨佛
國諸阿羅漢般泥洹去者甚眾多无
央數國土快善之極明好眾殊無以
乃獨尔乎佛言无量清淨佛國諸菩
薩阿羅漢所居七寶舍宅中有在虛
空中居者中有在地居者中有意欲
令舍宅眾高者舍宅則高中有意欲
令舍宅眾大者舍宅則大中有意欲
令舍宅在虛空中者舍宅則在虛空
中皆自然隨意在所作為中有殊不
能令其舍宅隨意所作為者所以者
何中有能者皆是前世宿命求道時
慈心精進益作諸善德重所能致也
中有不能致者皆是前世宿命求道

時不慈心精進作善少德小悲各自
然得之所衣被服飲食俱自然平等
耳是故不同德有大小別知勇猛令
衆見耳佛告阿逸菩薩若見是第六
天上天王所居處不耶阿逸菩薩言
唯然皆見之佛言無量清淨佛國土
講堂舍宅倍復勝第六天王所居處
百千億万倍也無量清淨佛國其諸
菩薩阿羅漢悉皆洞視徹聽悉復見
知八方上下去來現在之事復知諸
無央數天上天下人民及蜎飛蠕動
之類皆悉知心意所念善惡口所欲言
皆知當何歲何劫中得度脫得人
道當往生無量清淨佛國知當作菩
薩道得阿羅漢道皆豫知之無量清
淨佛國諸菩薩阿羅漢其項中光明
皆悉自有光明所照大小其諸菩薩
中有最尊兩菩薩常在無量清淨佛
左右座邊坐侍政論無量清淨佛常
與是兩菩薩共對坐議八方上下去
來現在之事無量清淨佛若欲使令
是兩菩薩到八方上下無央數諸佛
所是兩菩薩便飛行則到八方上下

無央數諸佛所隨心所欲至到何方
佛所是兩菩薩則俱飛行則到飛行
駛疾如佛勇猛無比其一菩薩名盧
樓亘其一菩薩名摩訶那光明智慧
第一其兩菩薩項中光明各焰照
他方千須弥山佛國常大明其諸菩
薩項中光明各照千億万里諸阿羅
漢項中光明各照七丈佛言其世間
人民善男子善女人若有一急恐怖
遭縣官事者但自歸命是盧樓亘菩
薩無所不得解脫者也

佛說無量清淨平等覺經卷第三

戊戌歲高麗國大藏都監奉
勅彫造

佛說無量清淨平等覺經卷第三

三

後漢月氏國三藏支婁迦磨譯

佛告阿逸菩薩無量清淨佛頂中光明極大明其日月星辰皆在虛空中住止亦不復迴轉運行亦無有精光其明皆蔽不復現無量清淨佛光明照國中及焰照他方佛國常大明終無有當冥時也其國中無有一日二日也無有十五日一月也無有五月十月也無有五歲十歲也元有百歲千歲也無有萬歲億歲萬歲十億萬歲也無有百千億萬歲也元有千億億萬歲也無有一劫十劫也無有百劫千劫也無有萬劫十萬劫也無有千萬劫也無有百千億萬劫也佛言無量清淨佛光明無極無量清淨佛光明却後無數劫無數劫重復無數劫無數劫不可復計劫劫無央數終無有當冥時也元量清淨國土及諸天終無有壞敗時也所以者何無量清淨佛壽命極長國土甚好故能令耳佛言無量清淨佛尊壽劫數無數劫常元央無礙泥洹時也無

量清淨佛於世間教授意欲適度八方上下諸元央數佛國諸天人民及諸飛蠕動之類皆欲使往生其國志欲令得泥洹之道其諸有作菩薩者皆欲令悉作佛作已悉令轉復教授八方上下諸天人民及諸飛蠕動之類皆復欲令悉得作佛作佛時復教授無央數諸天人民編動之類皆令得泥洹道去諸所可教授弟子者展轉復相教授轉相度脫至今得泥洹道斯陀舍阿都舍阿羅漢辟支佛道相度脫皆得泥洹之道悉如是無量清淨佛常未欲般泥洹曰也元量清淨佛所脫度展轉如是復住無數劫無數劫不可復計劫終無有般泥洹時也八方上下無央數諸天人民諸飛蠕動之類其生無量清淨佛國者不可復勝數諸作阿羅漢得泥洹之道者亦無央數都不可復計也無量清淨佛恩德諸所布施八方上下無窮無極甚深大無量快善不可言也無量清淨佛智慧教授所出經道布告八方上下諸無央數元天天下

甚多不原其經卷數甚大衆不可復計都無極也佛告阿逸菩薩若欲知無量清淨佛壽命無極時不也阿逸菩薩言願皆欲聞知之佛言明聽悉令八方上下諸無央數佛國中諸天人民諸飛蠕動之類皆使得人道悉令作辟支佛阿羅漢共坐禪一心都合其智慧為一勇猛共欲計知無量清淨佛壽命知壽幾千億萬劫歲數皆無有能計知極無量清淨佛壽者也佛言復令他方面各千須彌山佛國中諸天人民及諸飛蠕動之類皆復得人道悉令作辟支佛阿羅漢皆令坐禪一心共合其智慧都為一勇猛共欲數無量清淨佛國中諸菩薩阿羅漢計千億萬人皆無有能數者也佛言無量清淨佛年壽甚長久浩浩浩浩照明善甚深無極無底誰當能信知其者乎獨佛自知耳阿逸菩薩聞佛言即大歡喜長跪叉手言佛說無量清淨佛壽命甚長威神大智慧光明巍巍快善乃獨如是乎佛言無量清淨佛至其然後般泥洹者其虛樓亘

菩薩便當作佛。總領道智典主教授。世間八方上下所過度諸天人民。蜚飛蠕動之類。皆令得佛泥洹之道。其善福德當得復如大師無量清淨佛。住止無央數劫。無央數劫不可復計。劫不可復計。劫准法大師。今乃般泥洹。其次摩訶郵鉢菩薩。當復作佛。典主智慧都提教授。所過度福德當復如大師無量清淨佛。止住元央數劫。常復不般泥洹。展轉相承。受經道甚明。國土極善。其法如是。終元有斷絕。不可極也。

阿難長跪叉手問佛。言佛說元量清淨佛國中。無有須彌山者。其第一四天王第二忉利天。皆依因何等住止。乎願欲聞之。佛告阿難。若有疑意。於佛所耶。八方上下無窮。元極無有邊幅。其諸天下大海水。一人升量之。尚可枯盡。得其成。佛智亦如是。八方上下無窮。元極無有邊幅。佛言。我智慧所知見諸已過去。佛如我名字釋迦文佛者。復如恒水邊流沙。一沙一佛。尚始諸求欲求作佛者。如我名字釋

迦文佛者。復如恒水邊流沙。一沙一佛。佛正坐直南向。視見南方。今現在佛如我名字釋迦文佛者。復如恒水邊流沙。一沙一佛。八方上下去來現在諸佛。如我名字釋迦文佛者。各如十恒水邊流沙。一沙一佛。其數如是。佛皆悉豫見知之。佛言。往昔過去元央數劫已來。一劫十劫百劫千劫萬劫。億劫。劫萬億劫。億萬劫。劫中有佛。諸已過去佛。一佛十佛百佛千佛萬佛。億佛。億萬佛。中有佛。佛各各有名字。名字不相同。類無有。如我名字者。甫始當來。劫諸當來佛。一劫十劫百劫千劫萬劫。億劫。億萬劫。劫中有一佛十佛百佛千佛萬佛。億佛。億萬佛。中有佛。佛各各有名字。名字各異。不同諸佛名字。時乃有一佛。如我名字釋迦文佛耳。諸八方上下無央數佛。國今現在。佛次他方。異佛國一佛。國十佛。國百佛。國千佛。國萬佛。國億佛。國萬億佛。國億萬佛。國佛。國中有佛。各各有名字。名字各異。多多復不可同。無有。如我名字者。八

方上下無央數諸佛。中時時乃有。如我名字釋迦文佛耳。八方上下去來現在其中間。曠絕甚遠。悠悠元窮。元極。佛智。自然甚明。揀古知今。前知無窮。却觀未然。豫知元極。都不可復計。甚無央數。佛威神尊明。皆悉知之。佛智慧道。德合明都。元有能問佛。經道窮極者。佛智慧終不可斗量盡也。難聞佛言。則大恐怖。衣毛皆起。阿難曰。佛言。我不敢有疑意。於佛所也。所以問佛者。他方佛國。皆有須彌山。其第一四天王第二忉利天。皆依因之。住止我。恐佛般泥洹。日後僅有諸天人民。若比丘僧比丘尼。優婆塞。優婆夷。來問我。無量清淨佛。國何以獨元須彌山。其第一四天王第二忉利天。皆依因何等住止。乎我當應答之。今我不問佛者。佛去後。我當持何等語。答報之乎。獨佛自知之耳。其餘人。無有能為解之者。以是故問佛耳。佛言。阿難。若言是也。第三焰天。第四兜率天。上三第七梵天。皆依因何等住止。乎阿難。言是諸天。皆自然在虛空中。住

止無所依法華經第三卷 第四品 字 卷下因也佛言無量清淨佛國無有須弥山者亦如是第一四王天第二忉利天皆自然在虛空中住止無所依因也佛言佛威神甚重自在所欲作為意欲有所作不豫計也是諸天皆常自然在虛空中住止何况佛威神尊重自在所欲作為乎阿難聞佛言則大歡喜長跪叉手言佛智慧知八方上下去來現在之事元窮無極元有邊幅甚高大妙絕快善極明好甚無比威神尊重不可當也佛告阿逸菩薩其世間人民若善男子善女人欲願往生無量清淨佛國者有三輩作功德有大小轉不能相及佛言何等為三輩其軍上第一輩者當去家捨妻子斷愛欲行作沙門就無為道當作菩薩道奉行六波羅蜜經者作沙門不當虧失經戒慈心精進不當瞋怒不當與女人交通腐戒清淨心無所貪慕至精願欲生無量清淨佛國當念至心不斷絕者其人便今世求道時則自於其卧睡中夢見無量清淨佛及諸菩薩阿羅漢其

人壽命欲終時元量清淨佛則自與諸菩薩阿羅漢共繞飛行迎之則往生無量清淨佛國便於七寶水池蓮華中化生則自然受身長大則作阿惟越致菩薩便則與諸菩薩共眷輩飛行供養八方上下諸無央數佛則智慧勇猛樂聽經道其心歡樂所居七寶舍宅在虛空中恣隨其意在所欲作為去無量清淨佛近佛言諸欲往生無量清淨佛國者精進持經戒奉行如是上法者往生無量清淨佛國者可得為眾所尊敬是為上第一輩佛言其中輩者其人願欲往生元量清淨佛國雖不能去家捨妻子斷愛欲行作沙門者當持經戒无得虧失益作分檀布施常信受佛語深當作至誠忠信飯食沙門而作佛寺起塔燒香散華然燈懸繒繒綵如是法者無所適貪不當瞋怒齋戒清淨慈心精進斷欲欲往生無量清淨佛國一日一夜不斷絕者其人於今世亦復於卧睡夢中見無量清淨佛其人壽欲盡時元量清淨佛則化令其

人自見無量清淨佛及國土往生元量清淨佛國者可得智慧勇猛佛言其人奉行施與如是者若其然後中復悔心中狐疑不信分檀布施作諸善後世得其福不信有元量清淨佛國不信往生其國中雖念其人續念不絕暫不信意志猶豫無所專據續結其善願名本續得往生其人壽命病欲終時元量清淨佛則自化作形像令其目自見之口不能復言便心中歡喜踊躍意念言我悔不知益齋作善今當生元量清淨佛國其人則心中悔過悔過者過差少无須及其人壽命終盡則生無量清淨佛國不能得前至元量清淨佛所便道見無量清淨佛國界邊自然七寶城中便大歡喜道止其城中則於七寶水池蓮華中化生則受身自然長大在城中於是間五百歲其城廣縱各二千里城中亦有七寶舍宅舍宅中自然内外皆有七寶浴池浴池中亦有自然華繞浴池上亦有七寶樹重行皆復作五音聲其飲食時前亦有

自然食具百味食在所欲得其人於城中快樂其城中比如第二初利天上自然之物其人於城中不能得出復不能得見無量清淨佛但見其光明心中自悔責踊躍喜耳亦復不能得聞經亦復不能得見諸比丘僧亦復不能得見知無量清淨佛國中諸菩薩阿羅漢狀貌何等類其人若如是此而小適耳佛亦不使令身諸所作自然得之皆心自趣向道入其城中其人本宿命求道時心口各異言念無誠狐疑佛經復不信向之當自然入惡道中無量清淨佛哀愍威神引之去耳其人於城中五百歲乃得出往至無量清淨佛所聞經心不開解亦復不得在諸菩薩阿羅漢比丘僧中聽經以去所居處舍宅在地不能令舍宅隨意高大在虛空中復去無量清淨佛甚大遠不能得近附无量清淨佛其人智慧不明知經復少心不歡樂意不開解其久久亦自當智慧開解知經明健勇猛心當歡樂次當復如上第一章所以言何其

人但生其前世宿命求道時不大持齋戒虧失經法心意狐疑不信佛語不信佛經深不信分檀布施作善後世當得其福復坐中悔不信往生无量清淨佛國作德不至心用是故為第二章
佛言其三輩者其人願欲生无量清淨佛國若無所用分檀布施亦不能燒香散華然燈懸繒綵作佛寺起塔飲食沙門者當斷愛欲无所貪慕慈心精進不當瞋怒癡戒清淨如是清淨者當一心念欲生無量清淨佛國晝夜十日不斷絕者壽終則往生無量清淨佛國可復尊極智慧勇猛狂佛言其人作是已後若復中作悔心意用狐疑不信作善後世當得其福不信往生無量清淨佛國其人雖介續得往生其人壽命病欲終時无量清淨佛則令其人於卧睡夢中見無量清淨佛國土其心中歡喜意自念言我悔不知益作善今當生无量清淨佛國其人但心念是口不能復言則自悔過悔過者過意減少悔者无所

復及其人命終則生無量清淨佛國不能得前至便道見二千里七寶城中獨歡喜便止其中復於七寶水池蓮花中化生則自然長大其城亦復如前城法比第二初利天上自然之物其人亦復於城中五百歲五百歲竟乃得出至无量清淨佛所心中大歡喜其人聽聞經心不開解意不歡喜智慧不明知經復少所居舍宅在地不能令舍宅隨意高大在虛空中復去無量清淨佛亦復如是第二章狐疑者其人久久亦當智慧開解知經勇猛心當歡樂次如上第一章也所以者何皆坐前世宿命求道時中悔狐疑暫信暫不信不信作善後得其福德皆自然得之耳隨其功德有鉉不鉉各自然趣向說經行道卓薩道生無量清淨佛國者其然後皆當得阿惟越致菩薩阿惟越致菩薩者皆當有三十二相紫磨金色八十種好皆當作佛隨心所願在欲於何方佛國作佛終不更泥犁禽獸羴荔

隨其精進求道早晚之事事同等可求道不休會當得之不失其所欲願也佛告阿逸菩薩等諸天帝王人民我皆語若曹諸欲生無量清淨佛國雖不能大精進持經戒者大要當作善一者不得殺生二者不得盜竊三者不得姪姪犯愛他人婦女四者不得調欺五者不得飲酒六者不得兩舌七者不得惡口八者不得妄言九者不得嫉妬十者不得貪欲不得心有所慳惜不得瞋怒不得愚癡不得隨心嗜欲不得心中悔不得狐疑當作孝順當作至誠忠信當作受佛經語深當信作善後世得其福奉持如是其法不虧失者在心所願可得往生無量清淨佛國至要當齋戒一心清淨晝夜常念欲往生無量清淨佛國十日十夜不斷絕我皆慈愍之悉令生無量清淨佛國佛言世間人欲以慕及賢明居家修善為道者與妻子共居在恩好愛欲之中憂念若多家事念務不暇大齋戒一心清淨雖不能得離家有空閑時自端正心

意念諸善專精行道十日十夜殊使不能令自思惟熟計欲度脫身者下當絕念去憂勿念家事莫與女人同牀自端正身心斷愛欲一心齋戒清淨至意念生無量清淨佛國一日一夜不斷絕者壽終皆得往生其國在七寶浴池蓮華中化生可得智慧勇猛所居七寶舍宅自在其意所欲作為可次如上第一輩佛語阿逸菩薩言諸八方上下無央數諸天人民比丘僧比丘尼優婆塞優婆夷其往生無量清淨佛國眾等大會皆共於七寶浴池中都共人人志自於一大蓮華上坐皆自陳道德善人人各自說其前世宿命求道時持經戒所作善法所從來生本末其所好喜經道知經智慧所施行功德從上次下轉皆遍以知經有明不明有深淺大小德有優劣厚薄自然之道別知才能智慧猛健眾相觀照禮義和順皆自歡喜踊躍智慧有勇猛各不相屬逮佛言其人殊不豫茲作德為善輕虧不信之然從倚懈怠為用可介三時都

共說經行道自然迫切應答遲晚道智卓殊起絕才妙高猛獨於邊羣臨事乃悔悔者已出其後當復何益但心中懊悔慕及等耳佛言元量清淨佛國諸菩薩阿羅漢眾等大道乘會自都集拘心刻意端身正行遊戲洞這俱相隨飛行憐輩出入供養無極歡心喜樂樂共觀經行道和好文習才猛智慧志若虛空精進求願心終不復中迴意終不復轉終無有懈極時雖求道外若遲緩內獨駛急疾容容虛空中適得其中中表相應自然嚴整檢綴端直身心淨潔無有愛欲有所適貪無有眾惡瑕穢其志願皆安定殊好無增減滅求道和正不誤傾邪准望道法隨經約令不敢違失踐跌若於繩墨遊於八方上下無有邊幅自在所欲至到無窮元極咸然為道恢廓慕及曠蕩念道元他之念無有憂思自然無為虛無空立淡安元欲作德善願盡心求索含哀慈愍情進中表禮義都合通洞無違和順副稱芭羅表裏過度解脫敢昇入於

泥洹長與道德合明自然相保守使
意之滋滋真真了潔白志願高元上
清淨定安靜樂之無有極善好無有
比魏魏之耀照照一旦開達明徹自
然中自然相自然之有根本自然成
五光至九色五光至九色參迴轉數
百千更變寂勝之自然自然成七寶
橫攬成万物光精參明俱出好甚殊
無有極其國土甚好若此何不力
為善念道之自然著於無上下洞達
無邊幅捐志虛空中何不各精進努
力自求索可得超絕去往生無量清
淨阿彌陀佛國橫截於五道惡道自
閉塞昇道之無極易往無有人其國
土不逆違自然之隨幸何不棄世事
行求道德可得極長生壽樂元有極
何為用世事饒共憂無有常世人薄
俗共爭不急之事共於是慶劇惡極
苦之中勤身治生用相給活元尊無
卑無富無貧元老無少元男無女皆
當共憂錢財有無同然憂思適等屏
營愁苦累念思慮為之走使元有安
時有田憂田有宅憂宅有牛憂牛有

馬憂馬有六畜憂六畜有奴婢憂奴
婢衣被錢財金銀寶物復共憂之重
思累思憂念懷愁恐損為非常水火
盜賊恣害債主所漂燒繫唐突沒溺
憂毒恚恨無有解時結憤心中惱氣
幸惡病在骨髓憂苦不離心堅意固
適無縱捨或坐摧歲終之身今棄損
之去莫誰隨者尊貴家富有此憂懼
勤苦若此結家寒熱與痛共居小家
貧者窮困之無元目亦憂欲有田無
宅亦憂欲有宅無牛亦憂欲有牛無
馬亦憂欲有馬無六畜亦憂欲有六
畜無奴婢亦憂欲有奴婢元衣被錢
財什物飯食之屬亦憂欲有之適有
一少一有是少是思有膏等適小具
有便復傷盡如是苦生當復求索思
想無益不能時得身心俱勞坐起不
安憂念相隨勤苦若此焦心不離志
恨獨愁亦結家寒熱與痛共居或時
坐之終身天命亦不肯作善為道壽
命益元皆當獨遠去有所趣向善惡
之道莫能知者或時世人父子兄弟
夫婦家室中外親屬居天地之間當

相敬愛不當相憎有元當相給與不
當有貪言色當和莫相違戾或儻心
當有所志怒今世恨意微相嫉憎後
世轉劇至成大怨所以者何今世之
事更欲相害害雖不臨時應急相破
殺之愁毒結憤精神自然刻識不得
相離皆當對相生值更相報復人在
世間愛欲之中獨來獨去死生當行
至趣苦樂之處身自當之元有代者
善惡變化殃各異處宿豫嚴待當獨
昇入遠到他處莫能見者去在何所
善惡自然追逐往來生窮窮冥冥別離
久長道路不同會見無期甚難甚難
復得相值何不棄世事各勸強健時
努力力為善力精進來度世可得極長
壽殊不肯求於道復欲何須待欲何
樂乎如是世人不信作善得善不信
為道得道不信死後世復生不信施
與得其福德都不信之亦以謂之不
然言無有是但坐是故且自見之更
相看視前後轉相承受父餘教令先
人祖父素不作善本不為道身愚神
間心空意閑不見天道殊無有能見

人生死有所趣向亦莫能知者適無有見善惡之道復無有語者為用作善惡福德殃各禍罰各自覓作為之用殊無有恠也至於生死之道轉相續顛倒上下無常根本皆當過去不可常得教語開導信道者少皆當生死無有休止如是曹人勝冥控突不信經語各欲快意心不計慮愚癡於愛欲不解於道德迷惑於瞋怒貪猥於財色坐之不得道當更勤苦極在於惡要生終不得止休息痛之甚可傷或時家室中外父子兄弟夫婦至於生死之義更相央淚轉相思慕憂念憤結思愛繞繞心意痛著對相顧思晝夜無有解時教示道德心不開明思愛情欲不離閑塞蒙蒙交錯覆蔽不得思計心自端正決斷世事專精行道便旋至竟年壽命盡不能得道無可奈何恣狠憤誆皆貪愛欲如是之法不解道者多得道者少世間恣恣無可聊賴尊卑上下豪貴貧富男女大小各自忿務勤苦躬身各懷殺毒惡氣窈冥莫不惆悵為妄作事

惡逆天地不從仁心道德非惡先隨與之恣聽所為其壽未至便須奪之下入惡道累世勤苦展轉愁毒數千萬億歲無有出期痛不可言甚可憐愍佛告阿逸菩薩等諸天帝王人民我皆語若曹世間之事人用是故坐不得道若曹熟思惟之惡者當縱捨遠離之從其善者當堅持之勿妄為非益作諸善大小多少愛欲之禁皆不可常得猶當別離无可樂者勸佛世時其有信愛佛經諸深奉行道德皆是我小弟也其有甫欲學佛經戒者皆是我弟子也其有欲出身去家捨妻子絕去財色欲來作沙門為佛作比丘者皆是我子孫我世甚難得值其有願欲生無量清淨佛國者可得智慧勇猛為眾所尊敬勿得隨心所欲虧負經戒在人後儻有疑意不解經者復前問佛佛當為若解之阿逸菩薩長跪叉手言佛威神尊重所說經使善我曹聽佛經語皆心貫思之世人實尔如佛所語無有異今佛慈哀我曹開現天道教語生路耳目聰

明長得度脫若得更生我曹聽佛經語莫不慈心歡喜踊躍開解者我曹及諸天帝王人民蚩飛蠕動之類皆蒙佛恩無不得解脫憂苦者佛諸教戒甚深無極无底佛智慧所見知八方上下未來現在之事無上無邊幅佛甚難得值經道甚難得聞我曹皆慈心於佛所今我曹得度脫者皆是佛前世求道時懃苦學問精進所致恩德普覆所施行福德相緣巍巍光明徹照洞虛無極開入泥洹教授經典剖滅消化慙慙八方上下無窮无極佛為師法尊絕羣聖都无能及佛者佛為八方上下諸天帝王人民作師隨其心所欲願大小皆令得道今我曹得與佛相見得聞无量清淨佛聲我曹甚喜莫不得照慧開明者佛告阿逸菩薩若言是實當尔若有慈心於佛所者大喜當念佛天下久乃復有佛耳今我於苦世作佛所出經道教授洞達截斷狐疑端心正行拔諸愛欲絕眾惡根本遊步無拘典惣智慧眾道表裏攬持維網昭然

分明開示五道決正生死泥洹之道
佛言若曾從無數劫以來不可復計
劫若曾作菩薩道欲過度諸天人民
及鎗飛蠅動之類以來甚久遠人從
若得道度者无央數至得泥洹之道
者亦無央數若曹及八方上下諸天
帝王人民若比丘比丘尼優婆塞優
婆夷若曹宿命從無數劫以來展轉
是五道中死生呼嗟更相哭淚轉相
貪慕憂思愁毒痛苦不可言至今世
死生不絕乃至今日與佛相見共會
值是乃聞無量清淨佛聲甚快善哉
助汝曹喜亦可自厭死生痛痒生時
甚痛甚苦甚極至年長大亦苦亦極
死時亦痛亦苦亦極甚惡是處不淨
索了无有可者佛故悉語若曹亦可
自安斷是處惡露若曹亦可端心正
身益作諸善於是常端中外潔淨身
體洗除心垢自相約掄表裏相應言
行忠信人能自度既轉相扶接拔諸
受欲精明至心求願不轉結其善道
根本雖精進苦一世須臾間耳今世為
善後世生無量清淨佛國快樂甚元

極長與道合明然善極相保守長去離
惡道痛痒之憂惱拔勤苦諸惡根本
斷諸愛欲思好長生无量清淨佛國
亦無有諸痛痒亦无復有諸惡是處
亦无復有勤苦亦无淫泆瞋怒愚癡
亦無有憂思愁毒生於无量清淨佛
國欲壽一劫十劫百劫千劫万億劫自
恣若意欲住止壽無央數劫不可復
計數劫恣汝隨意皆可得之欲食不
食恣若其意都悉自然皆可得之次
於泥洹之道皆各自精明求索心所
欲願勿得狐疑心中悔欲往生者無
得坐其過失在无量清淨佛國界邊
自然七寶城中謫五百歲阿逸菩薩
言受佛嚴明重教皆當精進一心求
索請奉行之不敢疑怠

佛說無量清淨平等覺經卷第三

戊戌歲高麗國大藏都監奉

勅彫造

佛說當清淨平等覺經卷第四

字

後漢月氏國三藏支婁迦讖譯

佛告阿逸菩薩等若曹於是世能自剗心正意身不作惡者是為大德善都為八方上下軍無有比所以者何八方上下無失數佛國中諸天人民皆自然作善不大為惡易教化今我於是世間為佛於五惡五痛五燒之中作佛為軍劇教語人民令絕五惡今去五痛令去五燒降化其心令持五善得其福德度世長壽泥洹之道佛言何等為五惡何等為五痛何等為五燒中者何等為消化五惡令持五善者何等為持五善得其福德長壽度世泥洹之道佛言其一惡者諸天人民下至禽獸蜎飛蠕動之類欲為眾惡强者伏弱轉相剗賊自相殺傷更相食噉不知為善惡逆不道受其殃罰道之自然當往趣向神明記識犯之不賞轉相承續故有貧窮下賤乞丐孤獨人有聾盲瘡癰愚癡弊惡下有狂狂不及逮之屬其有尊貴

三寶經卷第四 法華經 字
豪富高才明達智慧勇猛皆其前世宿命為善慈孝布恩施德故有官事王法牢獄不肯畏慎作惡入法受其過誼重罰致劇求堅解脫難得度出今世有是目目前現在壽終尤劇入其劫冥受身更生譬若王法劇苦極刑故有自然泥犁禽獸辟荔蜎飛蠕動之類屬質身形改惡易道壽命短長魂神命精自然入趣受形寄胎當獨值向相從共生轉相報償當相還復殃惡譴罰眾事未盡終不得離辰轉其中世世界劫無有出期難得解脫痛不可言天地之間自然有是雖不臨時平暴三應時恒取自然之道皆當善惡歸之是為一大惡為一痛為一燒勤苦如是愁毒呼喚比如劇火起燒人身人能自於其中一心制意端身正行獨作諸善不為眾惡者身獨度脫得其福德可得長壽度世上天泥洹之道是為一大善

三寶經卷第四 法華經 字
在更相欺調殊不懼死心口各異言念無實佞諂不忠諛媚巧辭行不端正更相嫉憎轉相譏惡陷入惡枉主上不明心不察照任用目下目下存其淺度能行知其形勢在位不正為其所調妄指忠良不當天心甚違道理目欺其君子欺其父弟欺其兄婦欺其夫室家中外知識相詬各懷貪姪心獨志怒蒙聾愚癡欲益多有尊卑上下無男無女無大無小心俱同然欲自厚已破家亡身不顧念前後家室親屬坐之破族或時家中內外知識朋友鄉黨市里愚民轉共從事更相利害爭錢財閭閻忿怒成仇轉爭勝負慳嗔心不肯施與專守守惜受實貪重坐之思念心勞身苦如是至竟無所恃怙獨來獨去無一隨者善惡禍福殃各譴罰追命所生或在樂處或入毒苦然後乃悔當復何及或時世人愚心少智見善誹謗惡之不肯慕及但欲為惡妄作非法但欲盜竊常懷毒心欲得他人財物用自供給消散摩盡賜復求索邪心不正

常獨恐怖畏人有色臨時不計事至

得不肯治生所當求者不肯為之惡

事敬畏復不敬畏天地神明日月亦

乃悔今世現在長吏牢獄自然趣向

心在外不能專作欲聲成事恐勢迫

不可教令作善不可降化自用偃蹇

受其殃各世間貧窮乞丐孤獨但坐

習持歸給家共相生活恣心快意極

謂常當余亦復無憂衰心亦不知恐

前世宿命不信道德不肯為善今世

身為樂行亂他人婦女或於其親屬

懼恣意憍慢如天神記識賴其前

為惡天神別籍壽終入惡道故有自

不避尊卑長老眾共憎惡家室中外

世宿命頗作福德小善扶掖營護助

然泥犁禽獸薊薊飛蠕動之類展

避錄如是之惡自然牢獄日月照識

之今世作惡福德盡餽諸善鬼神各

轉其中世世累劫無有出期難得解

神明記取諸神攝錄故有自然泥犁

去離之身獨空立無所復依受重殃

脫痛不可言是為二大惡二痛二燒

禽獸薊薊飛蠕動之類展轉其中

追逐不得止息自然眾惡共趣煩乏

勤苦如是比如火起燒人身心能自

世世累劫無有出期難得度脫痛不

其有名籍在神明所殃各引牽當值

於其中一心制意端身正行獨作眾

可言是為三大惡三痛三燒勤苦如

相得當往趣向受過謫罰身心摧碎

善不為眾惡者身獨度脫得其福德

是比若火起燒人身心能自於其中

神形苦極不得離却但得前行入於

可得長壽度世上天泥洹之道是為

一心制意端身正行獨作眾善不為

火鑊當是時悔復何益當復何及天

二大善

眾惡者身獨度脫得其福德可得長

道自然不得蹉跌故有泥犁禽獸薊

佛言其三惡者世間人民寄生相因

壽度世上天泥洹之道是為三大善

劫無有出期難得解脫痛不可言是

共依居天地之間慶年壽命无能幾

佛言其四惡者諸惡人不能作善自

為四大惡四痛四燒勤苦如是比如

歲至有豪貴者賢明善人下有貧賤

相壞敗轉相教令共作眾惡主為傳

火起燒人身心能於其中一心制意

在羸弱者中有不良之人但懷忿毒

言但欲兩台惡口罵詈妄語相嫉更

端身正行獨作眾善不為眾惡者身

惡身心不正常念姪洩煩滿胃中愛

相鬪亂憎嫉善人敗壞賢善於傍使

獨度脫得其福德可得長壽度世上

欲交錯坐起不安貪意慳惜但欲唐

惡復不孝順供養父母輕易師父知

天泥洹之道是為四大善

得眇眇細色惡態姪洩有婦慙憎私

識無信難得誠實自言尊貴有道擅

佛言其五惡者世人從倚懈惰不肯

妄出入持家所有相結為非聚會飲

行威武加撻力勢侵剋易人不能自

作善不念治生妻子飢寒父母俱然

欲呵教其子其子惡心瞋目應怒言
千手經卷第一
 今不和違戾反逆劇於野人比若怨
 家不如無子妄遍假貸眾共患厭尤
 無反復无有報償之心窮貧困乏不
 能復得車較諸聲放縱遊散串數唐
 得自用賑給不畏防禁飲食无極喫
 酒嗜美出入無有期度曾扈扈安不
 知人情睚眦強割見人有喜憎嫉恚
 之無義无礼自用賊當不可諫曉亦
 復不憂念父母妻子有無又復不念
 卒報父母之德亦復不念師父之恩
 心常念惡口常言惡日不成就不信
 道德不信有賢明先聖不信作善為
 道可得度世不信世間有佛欲殺羅
 漢闢比丘僧常欲殺人欲殺父母兄
 弟妻子宗親朋友父母兄弟妻子宗
 親朋友憎惡見之欲使之死不信佛
 經語不信人壽命終盡死後世復生
 不信作善得善不信作惡得惡如是
 曹人男子女人心意俱然違戾反逆
 愚癡濇頑瞋怒嗜欲無所識知自用
 仗善為大智慧亦不知所從來生死
 所趣向不肯慈孝惡逆天地於其中

開求墜俛倖欲得長生期得不死會
千手經卷第一
 當歸就生死勤苦善惡之道身所作
 惡殃各眾趣不得度脫亦不可降化
 令作善慈心教語開導生死善惡所
 趣有是復不信之然苦心與語欲令
 度脫無益其人心中心閉塞意不開解
 大命將至至時皆悔其後乃悔當復
 何及不豫計善臨窮何益天地之間
 五道分明恢廓窈窕浩浩茫茫轉相
 承受善惡壽痛身自當之无有代者
 道之自然隨其所行追命所生不得
 縱捨善人行善從善慈孝從樂入樂
 從明入明惡人行惡從苦入苦從冥
 入冥誰能知者獨佛知見耳教語人
 民信用者少生死不休惡道不絕如
 是世人不可悲道故有自然泥犁禽
 獸辟荔蝟蝨飛蠕動之類展轉其中世
 世累劫無有出期難得解脫痛不可
 言是為三六惡五痛五燒勤苦如是
 比如火起燒人人身自於其中一
 心制意端身正行言行相副所作至
 誠所語如語心口不轉獨作眾善不
 為眾惡者身獨度脫得其福德可得

長壽度世上天泥洹之道是為五大善
千手經卷第一
 佛告阿逸菩薩等我皆語若曹是世
 五惡勤苦如是今起五痛今起五燒
 展轉相生世間人民不肯為善欲作
 眾惡敢有犯此諸惡事者皆患自然
 當更具歷入惡道中或其今世先被
 病殃死生不得亦眾見之壽終趣入
 至極大苦愁痛酷毒自相熾然轉相
 燒滅至其後共作怨家更相傷殺從
 小微起至大因劇皆從貪淫財色不
 肯忍辱施與各欲自快無復有曲直
 欲得健名為癡欲所迫隨心思想不
 能得也結憤胃中財色縛束无有解
 脫不知厭足厚已諍欲無所省錄都
 无義理不隨正道富貴榮華當時快
 意不能忍辱不知施善威勢无幾隨
 惡名熾身坐勞苦久後大劇自然隨
 逐無有解已王法施張自然糾舉上
 下相應羅網網紀熒熒松松當入其
 中古今有是痛哉可傷佛語阿逸菩
 薩等若世有是佛皆慈愍哀之威神
 灌動眾惡諸事皆消化之令得去惡
 就善棄捐所思奉持經戒莫不承奉

施行經法不敢違失度世無為泥洹之道使善極樂甚明无極佛言若曹諸天帝王人民及後世人得佛經語熟思惟之能自於其中端心正行其主上為善率化檢御其下教語人民轉相勅令轉共為善轉相度脫各自端守慈仁愍哀終身不殆尊聖敬孝通洞博愛佛語教令無敢虧負當憂度世泥洹之道當憂斷截生死痛痒拔惡根本當憂斷絕泥犁禽獸群萌銷飛蠕動之類惡苦之道當勸佛世堅持經道無敢失也佛言若曹當作善者云何第一惡當自端身當自端心當自端目當自端耳當自端鼻當自端口當自端手當自端足能自檢斂莫妄動作身心淨潔俱善相應中外約束勿隨嗜欲不犯諸惡言色常和身行當專行步坐起不動作事所為當先熟思慮計之揆度才能規瞻圓規安定徐作為之作事倉卒不豫熟計為之不諦士其功夫敗悔在後唐苦士身至誠忠信得道絕去佛言若曹於是益作諸善布恩施德能不

絕道禁忍辱精進一心智慧展轉復相教化作善為德如是經法慈心專一齋戒清淨一日一夜者勝於元量清淨佛國作善百歲所以者何無量清淨佛國皆積德衆善无為自然在所求索無有諸惡大如毛毳佛言於是作善十日十夜者其得福勝於他方佛國中人民作善千歲所以者何他方佛國皆惡作善作善者多為惡者少皆有自然之物不行求作便自得之是間為惡者多為善者少不行求作不能得也人能自端制作善至心求道故能令耳是間無有自然不能自給當行求索勤苦治生轉相欺怠調作好惡得其財物歸給妻子飲苦食毒勞心苦身如是至竟心意不專周旋不安人能自安靜為善精進作德故能令耳佛言我皆哀若曹及諸天帝三人民皆教令作諸善不為衆惡隨其所能輒授與道教戒開導患奉行之則君率化為善教令目下父教其子兄教其弟夫教其婦室家内外親屬朋友轉相教語作善為道

奉經持戒各自端守上下相檢無尊元卑無男无女齋戒清淨莫不歡喜和順義理勸樂慈孝自相約檢其有得佛經語悲持思之不當所作如犯為之則自悔過去惡就善棄邪為正朝聞夕改奉持經戒劇如貧人得寶佛所行處所在郡國輒授與經戒諸天日月星辰諸神國王傍臣長吏人民諸龍鬼神泥犁禽獸承奉行之則君改化為善齋戒精思淨自滿洒端心正行居位嚴懷教勅率衆為善奉行道禁令言令止日事其君忠直受令不敢違負父子言令孝順承受兄弟夫婦宗親朋友上下相令順言和理尊卑大小轉相敬事以礼如義不相違負莫不改往修來洒心易行端正中表自然作善所願輒得感善降化自然之道求欲不死則可得長壽求欲度世則可得泥洹之道佛言佛威神尊宣消惡化善莫不度脫今我出於天下在是惡中於苦世作佛慈愍哀傷教語開道諸天帝王傍臣左右長吏人民隨其心所欲願樂皆令

千華經卷第四 第十一

得道佛諸所行處所更過歷郡國縣邑丘聚市里莫不豐熟天下太平日月運照倍益明好風雨時節人民安寧強不凌弱各得其所無惡疾疫無病瘦者兵革不起國无盜賊無有怨枉无有拘閉者君民人民莫不歡喜忠慈至誠各自端守皆自然守國雍和孝順莫不歡樂有互相與布恩施德心歡樂與皆相敬愛推財讓義謙讓於先前後以礼敬事如父如子如兄如弟莫不仁賢和順礼節都无違諍快善無極佛言我哀子曹欲度脫之劇父母念子今八方上下諸天帝王人民及鰥飛蠕動之類得佛經戒奉行佛道皆得明慧心慈開解莫不得過度脫憂苦者今我作佛在於五惡五痛五燒之中降化五惡消盡五痛絕滅五燒以善攻惡拔去毒苦令得五善明好燒惡不起我般泥洹去後經道稍稍斷絕人民諛諂淳為衆惡不復作善五燒復起五痛劇苦復如前法自然還復久後轉劇不可悉說我但為若曹小道之耳佛告阿

千華經卷第四 第十二

逸菩薩等若曹各思持之尼轉扣教戒如佛經法無敢犯也阿逸菩薩長跪叉手言佛所說甚苦痛世人為惡甚劇如是如是佛皆慈哀悲度脫之皆言受佛重教請長轉相承不敢犯也佛告阿難我哀若曹今悉見无量清淨佛及諸菩薩阿羅漢所居國土若欲見之不同難則大喜長跪叉手言願皆欲見之佛言若起更被袈裟西向拜當日沒處為无量清淨佛作礼以頭面著地言南無無量清淨平等覺阿難言諾受教則起更被袈裟西向拜當日所沒處為无量清淨佛作礼以頭腦著地言南無無量清淨平等覺阿難未起无量清淨佛便大放光明威神則遍八方上下諸無央數佛國天地則皆為大震動諸天无央數大地須弥山羅寶摩訶須弥大山羅寶諸天地大界小界其中諸有大泥犁小泥犁諸山林溪谷幽冥之處皆則大明悉雨大開闢則阿難諸菩薩阿羅漢等諸天帝三人民悉皆見无量清淨佛及諸菩薩阿羅漢國土七

千華經卷第四 第十三

實已心皆大歡喜踴躍悉起為无量清淨佛作礼以頭腦著地皆言南無無量清淨三藐三佛陀无量清淨佛放光明威神已諸無央數天人民及鰥飛蠕動之類皆悉見无量清淨佛光明莫不慈心歡喜作善者諸有泥犁禽獸諸有考治勤苦之處則皆休止不復治莫不解脫憂苦者諸有盲者則皆得視諸跛躄寒者則皆得走行諸病者則皆愈起諸起者則皆强健愚癡者則皆更顯慧諸有姪決瞋怒者皆慈心作善諸有被毒者毒皆不行鍾鼓琴瑟笙簧樂器諸伎不鼓皆自作音聲婦女珠璣皆自作釵百鳥畜獸皆自悲鳴當是之時莫不歡喜得過度者則時令日諸佛國中諸天人莫不持天上華香來下於虛空中悉皆供養散諸佛及无量清淨佛上諸天各共大作万種自然伎樂樂諸佛及諸菩薩阿羅漢當是之時甚快樂不可言佛告阿難阿逸菩薩等我說无量清淨佛及諸菩薩阿羅漢國土自然七

寶當無有異乎。難長跪又手言佛
說無量清淨佛國土。伎善如佛所說
元有一異佛言。我說無量清淨佛國
德。國土。伎善。晝夜。一切。尚復。未竟。我
但為若曹小。說之耳。阿逸。菩薩。則長
跪。又手。問佛。言。今。佛。國。從。是。間。當。有
幾。阿。惟。越。致。菩。薩。往。生。無。量。清。淨。佛
國。願。聞。之。佛。言。若。欲。知。者。明。聽。著。心。
中。阿。逸。菩。薩。言。受。教。佛。言。從。我。國。當
有。七。百。二。十。億。阿。惟。越。致。菩。薩。皆。往
生。無。量。清。淨。佛。國。一。阿。惟。越。致。菩。薩
者。前。後。供。養。无。央。數。諸。佛。以。次。如。弥
勒。皆。當。作。佛。及。其。餘。諸。小。菩。薩。輩。者
無。央。數。不。可。復。計。皆。當。往。生。無。量。清
淨。佛。國。佛。告。阿。逸。菩。薩。不。但。我。國。中
諸。菩。薩。當。往。生。无。量。清。淨。佛。國。他。方
異。國。復。有。佛。亦。復。如。是。第。一。佛。名。光
遠。照。其。國。有。百。八。十。億。菩。薩。皆。當。往
生。無。量。清。淨。佛。國。他。方。異。國。第。二。佛
佛。名。寶。積。其。國。有。九。十。億。菩。薩。皆。當
往。生。無。量。清。淨。佛。國。他。方。異。國。第。三
佛。名。僞。無。垢。有。二。百。二。十。億。菩。薩。皆
當。往。生。阿。弥。陀。佛。國。他。方。異。國。第。四

佛。名。無。極。光。明。其。國。有。二。百。五。十。億
菩。薩。皆。當。往。生。無。量。清。淨。佛。國。他。方
異。國。第。五。佛。名。於。世。无。上。其。國。有。六
百。億。菩。薩。皆。當。往。生。無。量。清。淨。佛。國
他。方。異。國。第。六。佛。名。勇。光。其。國。有。万
四。千。菩。薩。皆。當。往。生。無。量。清。淨。佛。國
他。方。異。國。第。七。佛。名。具。足。交。絡。其。國
有。十。四。億。菩。薩。皆。當。往。生。無。量。清。淨
佛。國。他。方。異。國。第。八。佛。名。雄。慧。王。其
國。有。八。菩。薩。皆。當。往。生。无。量。清。淨。佛
國。他。方。異。國。第。九。佛。名。多。力。無。過。者
其。國。有。八。百。一。十。億。菩。薩。皆。當。往。生
無。量。清。淨。佛。國。他。方。異。國。第。十。佛。名
吉。良。其。國。有。万。億。菩。薩。皆。當。往。生。无
量。清。淨。佛。國。他。方。異。國。第。十。一。佛。名
慧。辯。其。國。有。万。二。千。菩。薩。皆。當。往。生
無。量。清。淨。佛。國。他。方。異。國。第。十。二。佛
名。無。上。華。其。國。有。諸。菩。薩。无。央。數。不
可。復。計。皆。阿。惟。越。致。皆。智。慧。勇。猛。各
供。養。無。央。數。諸。佛。以。一。時。俱。心。願。欲
往。生。皆。當。往。生。无。量。清。淨。佛。國。他。方
異。國。第。十。三。佛。名。樂。大。妙。音。其。國。有。七
百。九。十。億。菩。薩。皆。當。往。生。无。量。清。淨

佛。國。佛。言。是。諸。菩。薩。皆。阿。惟。越。致。諸
比丘。僧。中。及。小。菩。薩。輩。无。央。數。皆。當
往。生。無。量。清。淨。佛。國。不。獨。是。十。四。佛
國。中。諸。菩。薩。當。往。生。也。都。八。方。上。下
無。央。數。佛。國。諸。菩。薩。輩。各。如。是。皆
當。往。生。无。量。清。淨。佛。國。其。無。央。數。都
共。往。會。無。量。清。淨。佛。國。大。眾。多。不。可
復。計。我。但。說。八。方。上。下。無。央。數。佛。名
字。晝。夜。一。切。尚。未。竟。我。但。復。說。佛。國
諸。比丘。僧。眾。菩。薩。當。往。生。无。量。清。淨
佛。國。人。數。說。之。一。切。不。休。止。尚。未。竟
我。但。為。若。曹。說。攬。都。小。說。之。耳
佛。語。阿。難。阿。逸。菩。薩。等。其。世。間。帝。王
人。民。善。男。子。善。女。人。前。世。宿。命。行。善
所。致。相。祿。適。當。聞。无。量。清。淨。佛。聲。慈
心。歡。喜。我。代。之。喜。佛。言。其。有。善。男。子
善。女。人。聞。無。量。清。淨。佛。聲。慈。心。歡。喜
一。時。踊。躍。心。意。清。淨。衣。毛。為。起。拔。出
者。皆。前。世。宿。命。作。佛。道。若。他。方。佛。故
菩。薩。非。凡。人。其。有。人。民。男。子。女。人。聞
無。量。清。淨。佛。聲。不。信。有。佛。者。不。信。佛
經。語。不。信。有。比。丘。僧。心。中。狐。疑。都。无
所。信。者。皆。故。從。惡。道。中。采。生。愚。蒙。不

解宿命殃惡未盡未當得度脫故心中狐疑不信向耳佛言我語若曹若曹所當作善法皆當奉行信之無得以我般泥洹去後故若曹及後世人無得復言我不信有無量清淨佛國我故令若曹悉見無量清淨佛國土所當為者若自求之我具為汝曹道說經戒順法若曹當如佛法持之無得毀失我持是經以累汝曹汝曹當堅持之無得為妄增減是經法我般泥洹去後經道留止千歲千歲後經道斷絕在心所願皆可得道佛言師開導人耳目智慧明達度脫人令得善舍泥洹之道常當慈孝於佛如父母常念師恩當念不斷絕則得道疾佛言天下有佛者甚難得值人有信受師法經語深者亦難得值若有沙門若師為人說佛經者甚難得值佛說是經時則萬二千億諸天人民皆得天眼微視悉一心皆為菩薩道則二百二十億諸天人民皆得阿耨含道則八百沙門皆得阿羅漢道則四十億菩薩皆得阿耨越致佛說經已

諸菩薩阿羅漢諸天帝王人民皆大歡喜前趣為佛作札遶佛三匝以頭面著佛足而去
佛說無量清淨平等覺經卷第四

已亥歲高麗國大藏都監奉勅彫造